



In dumënia ai 01 de setëmbër é gnü sughé la prüma partida de campionat 2013/2014 de 3^a categoria por La Val. La squadra mët man l' andata ite a Sexten contra la squadra de cíasa.

Do le pareggio de Copa Provinzia contra l'Aicha, mëss gni La Val zeruch a cíasa a mans ötes. La squadra de Floriani ne rōia prësc düt l' prüm tēmp nia te partida y mëss se parè dal gran druch da pert dl Sexten.

Ai sogadusc da La Val ne ti garetl degüna ocasiun da gol tl prüm tēmp, ma n per de tiri che rüva de tröp sura porta fora. An vëiga che i sogadus é squilibrà te ciamp, la concentraziun mancia cotan y tröc pasaji y lanci ne rōia nia a bun fin.

Le Sexten n é nianca dër prigorusc dan porta, mo ala fin dl prüm tēmp ti garetl le gol dl 1 a 0. Te n gran cajan te area éle n sogadù da La Val che rebat fora de cé, mo le pal ti rōia bel avisa a n atacant al limite, chësc tira bas mo le pal vëgn devié dan defensur, insciö ti rüiel le pal a n atacant avversar che pò le passè a n sò cumpagn, chësc pò insciö apogè le pal te porta.

Le prüm tēmp se stlūsc jō sōn le 1 a 0 por Sexten.

Le incorajamēt da pert dl alenadù Floriani amesa i dui tēm̃sc ne à jovè cis tröp pur la prüma pert dl secundo tēmp. La squadra aversara lascia udēi n bel jüch y rüia ince plü gunot dan porta. Bele do da püc menüc ti garetl le radopl ala squadra dl Sexten, sōn na puniziun bindebo dalunc éle le portier da La Val che se chërda le pal, mo por desfortüna ne éle nia bun da se apié la cogura che ti rōia spo sōn i pisc dl aversar che mēt le pal te rēi.

Do chësc episode éle la squadra da La Val che se descēda y mēt man de ragionè y ò desmustrè val deplü. I atacanc é bugn da tignì sō le pal y insciö éle ince la squadra che se alza deplü. La prüma gran ocasiun da gol éle Micky che tira fora cun n gran tiro, mo le pal rōia sōn l palo lunch.

A sblochë definitivamēnter chësc burt mumant éle Micky. Sōn na puniziun éle bun da ti trà le pal a n aversar te barriera che le sfiorëia y spiazzeia insciö sò portier.

Püch dedô éle ciamò Micky che à na gran ocasiun dan porta, ël é bun de se mēt jō le pal y da jì cuntra le portier mo se sbilanciëia y rōia a conlujiun abin mal la pala.

La squadra da La Val les pro ciamò dütes pur pareggè mo ara ne ò nia ester.

Dan sciuré la fin dla partida éle ciamò le arbiter che sciüra fora n sogadù aversar a gauja de n burt fallo sōn l defensur Paolo Vallazza.

La partida se stlūsc jō sōn le 2 a 1 por le Sexten. Proscima partida é in dumënia te cíasa cuntra le Percha.

La formaziun titulara: Sepl Kantioler, Marco Castlunger, Paolo Vallazza, Alex Alton, Werner Sottara, Max Nagler, Freddy Sottara, Stefan Sottara, Micky Frenes, Alex Elzenbaumer y Alexander Miribung.

Sostituziuns:

David Moling por Max Nagler

Felix Nagler por Werner Sottara

Elmar Valentin por Alexander Miribung

Por udëi resultač drůca: [resultač](#)